

A XUNTA DE GALICIA CONVOCA SUBVENCÍONS DESTINADAS Á RENOVACIÓN DE ELECTRODOMÉSTICOS E Á INSTALACIÓN DE DOMÓTICA ENERXÉTICA

Obxecto

Convocar para o ano 2020, en réxime de concorrencia non competitiva as subvencións destinadas á renovación de electrodomésticos e á instalación de domótica enerxética en vivendas situadas en Galicia por parte de persoas físicas, para promover actuacións que fomenten o aforro e eficiencia enerxética.

Persoas beneficiarias

As persoas físicas que realicen algunha das actuacións establecidas nunha vivenda sita na CA de Galicia. Para ser beneficiario terá que tramitar a súa solicitude a través dalgunha das entidades colaboradoras adheridas que figuren na listaxe que se publique na páxina web do Inega, www.inega.gal

Actuacións subvencionables

1. Plan Renove de electrodomésticos

É subvencionable a renovación de electrodomésticos por outros novos da mesma tipoloxía e con etiqueta de clasificación enerxética A+++.

No caso das placas é subvencionable a substitución da placa preexistente de calquera tecnoloxía por outra nova de indución total. Para acceder á subvención hai que entregar o electrodoméstico retirado a un xestor autorizado.

Un beneficiario só poderá recibir axuda pola substitución dun único electrodoméstico de cada unha das tipoloxías de equipamentos incluídos e cun máximo de dous electrodomésticos por beneficiario.

Electrodomésticos subvencionables

Frigorífico e frigorífico-conxelador con clasificación enerxética A+++

Conxelador con clasificación enerxética A+++

Lavadora A+++

Lavalouza A+++

Placas de indución total

Contías:

As axudas oscilan entre os 100€ e os 450€, tendo en conta o electrodoméstico a adquirir así como o tipo de consumidor solicitante: xeral, vulnerable ou vulnerable severo

A cantidade da subvención non poderá ser superior ao 25 % do prezo do electrodoméstico para un consumidor xeral, do 50 % para consumidores vulnerables e do 75 % para consumidores vulnerables severos.

2. Instalacións domóticas enerxéticas

Son subvencionables as novas instalacións de elementos domóticos enerxéticos e a adaptación das instalacións existentes para a súa integración efectiva:

Monitorización térmica da vivenda (sensores de humidade, temperatura, CO2 e/ou radon e termóstatos comunicados cun equipamento centralizado): 500 €

Monitorización eléctrica da vivenda (medidores de consumo, racionalizadores de potencia, actuadores para a programación de acendidos e fotocélulas comunicados cun equipamento centralizado): 500 €

A cantidade da subvención non poderá ser superior ao 50 % do prezo da instalación, porcentaxe que sobe ata o 65 % para consumidores vulnerables e ata o 80 % para consumidores vulnerables severos.

Incompatibilidade das subvencións

Estas subvencións serán incompatibles con outras axudas, subvencións ou recursos destinados á mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

Forma de presentación de solicitudes (IN414C)

As solicitudes subscribiranas directamente as entidades colaboradoras.

Na páxina web do Inega (www.inega.gal) estará dispoñible unha listaxe de entidades colaboradoras adheridas a esta convocatoria de axudas.

Prazo de presentación

Solicitudes de **adhesión das entidades colaboradoras: do 26 de maio ao 30 de xullo de 2020**. Para solicitar a súa adhesión a entidade colaboradora terá que cubrir e confirmar o formulario de adhesión (anexo II).

Solicitudes de axuda: comezará o 1 de xullo de 2020 ás 9.00 horas para a actuación 1 e o día 2 de xullo de 2020 ás 9.00 horas para a actuación 2 e rematará o 30 de setembro de 2020 ou cando se esgoten os fondos

Resolución do 28 de abril de 2020 pola que se establecen as bases reguladoras para a concesión de subvencións para a renovación de electrodomésticos e a implantación de domótica enerxética, en réxime de concorrencia non competitiva, así como a selección das entidades colaboradoras que participarán na súa xestión, e se procede á convocatoria para a anualidade 2020 (IN414B e IN414C). (DOG nº 99 do 25/05/2020)

https://www.xunta.gal/dog/Publicados/2020/20200525/AnuncioG0474-280420-0002_gl.html